

新野縣知縣高志修金益纂

名宦志

祀典之崇及於官牧良以清操惠政愛遺其棠而崇德報功明禋斯宜也然亦有幸不幸焉或血食千載或茹餒九原勲名不異報享各殊固不勝於邑哉新野前志所載享祀典者因特書之其他節義忠孝利澤在民與諸公等而享祀未及者亦詳其行實並附於內今仍依舊志無敢缺遺俾後之君子得以斟酌

新野縣志

卷之四 名宦

論定焉

西漢

孔休字子泉宛人西漢末守新都相新都侯王莽

每盡禮自納莽疾休諛之莽進其玉貝寶劍欲以

為好休不肯受莽因曰誠見君面有癩美玉可滅

癩即解其琢復辭莽曰嫌其假耶遂權碎之乃自

裹以進休乃受及莽篡位遣使持元纁束帛請為

國師休即嘔血自絕光武即位求休子孫賜穀旌

之祀名宦祠

蘇 丕字叔陵扶風人建初時爲新野令視事期年
州課第一擢青州刺史

南宋

尹懷順天水人以宣威將軍爲新野太守有政聲

南齊

劉思忌建武初爲新野太守慷慨有大志切於忠君
愛民增築外城以堅保障時魏主引兵寇新野思
忌拒守攻之不克魏遣人謂城中曰房伯玉已降
汝何爲獨取糜碎思忌對曰城中兵食猶多未暇

新野縣志

卷之四 名宦

二

從汝小醜語也後魏統軍李佐攻拔之執思忌使
降思忌毅然曰我寧爲南鬼不爲北臣遂遇害今
祀名宦祠

後魏

獨孤信本名如願建明中爲荊州將帶新野郡守與
浙陽郡守韋孝寬情好款密政術俱美時號連璧
後從周太祖征伐以其信著遠邇賜名信歷官劇
史封公

正理至元六年爲新野尹勸農力民愛民
文章當時稱之

陳 恕知縣臨川人在任教民以孝弟忠信力田務
本明賞罰息詞訟士庶允懷時稱良牧今祀名宦
祠

金 珏知縣江西人蒞政公勤教民有方去後人有
甘棠之思

寇 義知縣字宗彝平山人宋萊公之後在官正直

新野縣志

卷之四

名宦

三

嚴明聽訟卽知人誠僞人不敢欺一時宿弊盡革
賦役均平能聲大著鄧州城內掘得一石云若果
鄧州治還須寇公來後果陞知鄧州其政績亦能
繼萊公云

趙 淡知縣懷柔舉人秉心公恕蒞事勤敏修復
堰民享其利秩滿遷荊州郡丞去後人多思之
祀名宦祠

宋 琢知縣新喻舉人博學長才設施多惠
修舉廢墜在官之日凡學官縣治汲

祠俱燬然改觀邑當官道公每五里設一木橋
置兵器令地方守之以衛行旅道傍種柳共
四千六百株暑月行客得以休息人有其棠蔭
之思陞知合州今祀名宦祠

江東知縣字朝宗霸州舉人性孝友政廉而明
而肅興學校移倉庾邑內大治以憂去民不忍
爲立遺愛碑今祀名宦祠

陳欽知縣蘄水舉人傳學有清操在任省里
平廣儲蓄後遇荒歉民多賴之陞大理評事

新野縣志

卷之四

名宦

四

陳世祿知縣字汝延復姓賀任縣舉人爲政
尙風化表揚貞節至鋤奸惡則不少貸邑民
兄弟恃膂力爲暴橫公立置諸法枷而斃之
於市恩威並著吏民畏而懷之陞判歸德府
旣去衆立遺愛碑今祀名宦祠

歐世祿知縣蘄陽舉人德性愷悌以平易爲
政約已愛民一介未嘗妄取雅意興學勸教
陞知簡州今祀名宦祠

莫承恩知縣桐城貢士賦性明敏清

禁游民修理學校表揚貞節刑清政舉吏畏民懷
尤洞悉水利原委興築陂堰民被其澤以薦陞滯
安通判去之日民塞道垂泣送之今祀名宦祠
李 登知縣字士龍上元貢士賦才穎異立志以古
聖賢自期待蒞任四載專務以德化民兩院交獎
之然徃徃疾惡過嚴以此不容於時左遷崇仁教
諭輿論惜之

傳來鵬知縣字雲征邢臺貢生性敏才練視民如子
下車初卽單騎歷阡陌間察民間利病因而興學

新野縣志

卷之四

名宦

五

校崇節義均徭役省冗費理冤民弭賊盜興水利
至出粟賑饑民賴全活者甚衆尋擢工科給事中
去之日民遮道攀留後更立祠祀焉

孫鳴治知縣京山人由貢士任在官五載凡興學勸
農弭盜剔蠹均出實心實政先是嘉靖間豪右欺
隱致地畝竟虧原額四百餘頃賦稅多累里民賄
納公不避勞怨秉公清丈隱地盡出輿情翕然頌
之尋以治行擢御史今去思碑猶存於縣治之南

焉

楊 鉞主簿安定監生舊志云署衆三月百廢俱修
興學愛士革弊安民當多事之秋有應變之才
李春華主簿郟陽歲貢士正巳愛民撻履端謹時稱
爲忠厚長者焉

江朝明主簿江南歙縣人舊志作朝瀛崇正十四年
闖逆破城罵賊不屈死之

馮光藩典史慈鄉人有才學修政愛民上下信之
胡 曦典史六安人謙謹慈愛蒞政七年去之日民
多泣送之者

新野縣志

卷之四

名宦

六

惠永正典史朝邑吏員崇正十四年與主簿江朝明
同殉闖寇之難至今猶哀之

冷宗元教諭榮昌舉人學博行方善於訓迪今祀名
宦祠

杜 鸞教諭長安舉人持身廉潔諸生歲時饋遺及
初見常贊悉拒不受師範肅然講諭考課無間寒
暑一時士風爲之不變登辛巳進士今祀名宦祠
萬民望教諭黃崗舉人撻履端潔文學豐贍迎養二
親事之盡孝誨訓生徒惺惺然惟恐不至於成材

後應聘江南校士遂行取陞知江西寧州府有
南錄今祀名宦祠

潘大滉教諭永明貢士學有本源亦諳世務勤止語
默悉有矩度清操自勵一介不妄取惓惓望人爲
聖賢之學人聽其言輒忘倦署篆內鄉桐栢丈地
南陽南召皆著賢聲陞知四川昭化縣

劉 蠻訓導兩當貢士舊志稱其持已廉介教人勤
懇士多樂從

國朝

新野縣志

卷之四 名宦

七

張九徵丹徒人進士出身爲河南提督學政公慎廉
明校士多方與人頌之今祀名宦祠

佟鳳彩三韓人爲河南南巡撫賦性明敏洞察利弊崇
學校愛民如子士民多懷之今祀名宦祠

羅文現三韓人分巡南汝道愛民誨士美政多端子
景任南陽府太守克承厥德小民歌曰前後二君
子福星臨南汝舊恩遠兮新恩起今祀名宦祠

張三異沔陽人進士出身任南陽府同知多惠政陞
縣裕興府及去吏民無少長泣送百里外今祀名宦祠